

12. stjórnarfundur Fimleikasambands Íslands haldinn fimmtudaginn 16. ágúst kl 19:00 á skrifstofu FSÍ, Engjateigi 6.

Mættir: Þorgerður Laufey Diðriksdóttir formaður, Arnar Ólafsson varaformaður, Einar Ólafsson, ritari og Jósef Húnfjörð meðstjórnandi. Auk þess sátu fundinn eftirtaldir áheyrnarfulltrúar, Axel Bragason formaður tækninefndar karla, Halla Karí Hjalted formaður tækninefndar kvenna og Íris Svavarsdóttir formaður tækninefndar í hópfimleikum. Jafnframt sátu fundinn Helgi Jóhannesson framkvæmdarstjóri FSÍ og Sólveig Jónsdóttir verkefnastjóri í hópfimleikum

Friðbjörn Möller, gjaldkeri, , Hlíf Þorgeirsdóttir, formaður nefndar um fimleika fyrir alla og Davíð Ingason verkefnastjóri í áhaldafimleikum boðuðu forföll.

Formaður setur fundinn kl 19.05.

Dagskrá

1. Mótadagskrá 2012-2013

Mótadagskrá FSÍ lögð fram. Drög að mótadagskrá var send á öll aðildarfélög og tækninefndir fimleikasambandsins til umsagnar. Nokkra athugasemdir voru gerðar við drögin sem nú hefur verið lagfært.

Mótadagskrá samþykkt og framkvæmdarstjóra falið að setja dagskránnu inn á heimasíðu sambandsins.

2. Tillaga frá THF um að fimleikasambandið sendi fulltrúa á Ráðstefnu UEG í Prag í Tékklandi daganna 23.25 nóvember 2012.

Stjórn fimleikasambandsins barst bréf dagsett 15.08.12 þar sem THF óskar eftir því að fá heimild til að senda þrjá fulltrúa á Ráðstefnu UEG um hópfimleika sem halda á í Prag í Tékklandi daganna 23-25. nóvember 2012. Efni ráðstefnunnar eru

- Hvað er hægt að gera til að fá fleiri þjóðir til að taka þátt í hópfimleikum
- Framtíð hópfimleika
- Keppnisform hópfimleika, skal halda því óbreyttu
- Nýjar æfingar sem taka á inn í codan og dómaramál

Nefndin telur mikilvægt að FSÍ eigi fulltrúa á þessari ráðstefnu og óskar eftir fararleyfi fyrir þrjá fulltrúa. Kostnaðar áætlun fylgir með.

Málið rætt

Stjórn fimleikasambandsins samþykkir að senda fulltrúa á Ráðstefnu UEG um hópfimleika sem haldin verður í Prag daganna 23-25 nóvember 2012. THF er heimilt að tilnefna þá fulltrúa sem nefndin kýs, FSÍ greiðir sem svarar kostnaði fyrir tvo fulltrúa, flug og þátttökugjald.

3. Norður- Evrópumót í áhaldafimleikum sem halda á í Glasgow daganna 19.-21 október 2012

Norður-Evrópumót í áhaldafimleikum verður haldið í Glasgow daganna 19-21 október 2012. Framkvæmdarstjóri óskaði bréflaga 9.ágúst eftir tillögu frá TKV og TK um fjölda keppenda, dómara og þjálfara. NEM er liðakeppni 5-4-3, vaninn hefur verið sá að senda einn þjálfara með hverju liði og nauðsynlegt er að senda einn dómara frá hverju landi með hvoru liði fyrir sig.

Tillögur nefndanna lagðar fram

Tækninefnd karla leggur til að sendir verði 5 keppendur, 2 dómara og einn þjálfari á NEM

Tækninefnd kvenna leggur til að sendir verði 5 keppendur, 2. dómara og 2 þjálfara á NEM.

Málið rætt

Stjórn fimleikasambandsins samþykkir að senda 5 keppendur karla, einn þjálfara karla og tvo dómara að því gefnu að annar dómari sé erlendis og FSÍ þurfi ekki að greiða flugkostnað ferða til og fram keppnisstað.

Stjórn samþykkir að senda 5 keppendur kvenna, tvo þjálfara og einn dómara.

Jafnframt mun stjórn FSÍ velja fararstjóra og greiða ferðakostnað fararstjóra sem og dómara og þjálfar.

4. Erindisbréf vegna starfshóps um Fimleikalíf

Lagt er fram erindisbréf vegna starfshóps um Fimleikalíf

Samþykkt. Erindisbréfið samþykkt og framkvæmdastjóra falið að senda erindisbréfið á fulltrúa í starfshópi og fela formanni að hefja vinnu.

5. Erindi frá THF, viðbót við nýjar keppnisreglur í hóp fimleikum dagsett 16. Ágúst 2012

Lagt fram tillögur THF um viðbót við nýjar keppnisreglur í hóp fimleikum.

Málið rætt

Samþykkt að bæta við nýjum keppnisreglum í hóp fimleikum eins og nefndin leggur til.

6. Tillaga frá starfshópi um fjármál

Einar Ólafsson og Helgi Jóhannesson framkvæmdastjóri FSÍ hittu Davíð Ingason og Þorvarð Goða Valdimarsson þar sem farið var yfir stöðu mála og hvað upp á vantaði til að verkefnið gæti komist almennilega á flug. Kom fram tillaga um að láta reyna einu sinni enn með framkvæmdina á verkefninu í samstarfi við mótshaldara fyrsta haustmótsins.

Málið rætt.

Stjórn Fimleikasambandsins samþykkir gagnvart Nýjum miðli að nota fyrsta haustmót vetrarins sem eins konar lokatilraun til að koma verkefninu almennilega af stað. Það felst í því að Davíð Ingason mun fara fyrir hópi sjálfboðaliða þess íþróttafélags í að hringja út til fyrirtækja og selja aðgang að vefskotum þess móts. Enginn kostnaður verður af hálfu sambandsins og að auki afsalar FSÍ allri innkomu auglýsinga vegna þessa fyrsta móts. Þetta er gert til að koma til móts við Nýjan miðil. Nýr miðill og það aðildarfélag sem sér um mótið skipta með sér hagnaðinum af auglýsingum. Sambandið mun hins vegar kynna þetta fyrir því aðildarfélagi sem mun halda mótið. Ef vel tekst til mun verða áframhald á samstarfinu við Nýjan miðil og FSÍ fá hlutdeild af innkomu auglýsinga eins og áður gerður samningur segir til um.

7. RIG,

Tillaga, stjórn Fimleikasambandsins óskar eftir því við THF að þau endurskoði þá ákvörðun að RIG, Reykjavík International Games verði ekki inni á mótadagskrá FSÍ sem hóp fimleikamót.

Málið rætt

Samþykkt að vísa tillögu til THF og óska eftir því við THF að þau endurskoði fyrri afgreiðslu.

8. Sviðstjóri landsliðsmála FSÍ.

Stjórn FSÍ hefur um nokkurt skeið verið að velta fyrir sér tilhögun landsliðsmála FSÍ. Á stjórnarfundi sem haldinn var 26. júní sl. var samþykkt að hraða allri vinnu við skipulagsbreytingar á starfsemi FSÍ vegna landsliðsmála.

Stjórn FSÍ leggur til að ráðinn verði sviðstjóri landsliðsmála FSÍ, sem hafi það hlutverk að halda utan um öll landlið FSÍ.

Málið rætt

Samþykkt að vinna að starfslýsingu sviðstjóra landsliðsmála FSÍ sem lögð verður fyrir stjórn FSÍ til samþykktar.

9. landsliðsmál FSÍ.

Stjórn FSÍ barst tillögur um samstarfs fimleikadeilda/félaga um fjármögnun á landsliðsþjálfara karla. Þar sem óskað er eftir samþykki stjórnar FSÍ að tilhögun og fjármögnun.

„ Á stjórnarfundi FSÍ sem haldinn var þann 26. júní sl. var lögð fram skýrsla og tillögur starfshóps sem skipaður hafði verið til að finna leiðir og útfærslu á vali í úrvalshóp í áhaldafimleikum. Samþykkt var að stofnaðir yrðu úrvalshópar í áhaldafimleikum á hausti komandi. Á framangreindum fundi var því lýst yfir að flýta skyldi allri vinnu við skipulagsbreytingar á starfssemi FSÍ sem nauðsynlegar eru til að vinna þessi geti farið sem fyrst af stað. Þá var jafnframt bókað að stjórn FSÍ þakkar starfshópi um leiðir og útfærslu á vali á úrvalshóp í áhaldafimleikum fyrir góða vinnu og væntir mikils í framtíðinni af afreksefnum og afreksmönnum FSÍ. Framangreind samþykkt og bókun voru eftirfarandi sjónarmið lögð til grundvallar:

- Stofnaðir verði 3 úrvalshópar af hvoru kyni í haust.
 - Ungmennaflokkur 12 manns, Unglingaflokkur 20 manns og fullorðinsflokkur 8 manns.
 - Valið verði í unglina og fullorðinsflokk útfrá árangri móta vorsins og sérkröfum.
 - Ungmennaflokkur verði valið í eftir sérkröfum og prófi.
- Foreldrar upplýstir um aðild iðkenda að úrvalshóp og hvaða þýðingu það hefur. Sama um skóla viðkomandi þátttakenda.
- Verkefnastjóri eða Landsliðsþjálfari haldi utan um starfið með fulltingi tækninefnda og þeirra þjálfara sem beðnir eru að taka að sér hinar ýmsu landskeppnir ásamt félagsþjálfurum.
- Sett upp sérstök fræðsluáætlun fyrir hópana og liðkað til um aðgengi að sjúkrþjálfurum, læknum og öðru heilbrigðis starfsfólki sem á þyrfti að halda.

Með vísan til framangreindrar afgreiðslu stjórnar FSÍ og þeirrar vinnu sem unnin var á sl. keppnistímabili í starfshóp um skipan afreksmála innan FSÍ hafa ofangreind aðildarfélög FSÍ komist að samkomulagi um eftirfarandi skipan mála varðandi úrvalshóp í áhaldafimleikum karla á tímabilinu 1. september 2012 til og með 31. maí 2013.

1. Myndaður verður sameiginlegur úrvalshópur í áhaldafimleikum karla á tilgreindu tímabili.

2. [] verður ráðinn til þess að þjálfari úrvalshópsins á tilgreindu tímabili eins og samkomulag þetta gerir ráð fyrir. [], mun jafnframt verða þjálfari til aðstoðar á æfingum.

3. Sameiginlegar æfingar munu fara fram tvisvar í viku. Nánar tiltekið á föstudögum milli 17:00 og 20:00 og laugardögum milli 10:00 og 14:00. Á föstudögum í húsnæði Glímufélagsins Ármanns og á laugardögum fara æfingar fram í húsnæði Íþróttafélagsins Gerplu. Stefnt skal að því að á 6 til 8 vikna fresti fari æfingar fram í húsnæði Fimleikafélagsins Bjarkar. Á framangreindu tímabilinu (01.09.12-31.05.13) munu sex helgar falla niður vegna keppnistímabils.

4. Kostnaðarskipting fer þannig fram á milli félaganna greiða þau mánaðarlega fyrir þátttöku sína í samræmi við hlutfallslega þátttöku iðkenda á þeirra vegum í verkefninu (fjöldi iðkenda ræður kostnaðarskiptingu). Þar sem [] starfar nú hjá [] greiðir félagið honum laun fyrir verkefnið í samræmi við gildandi ráðningarsamning en endurkrefur önnur félög í samræmi við framangreinda hlutfallslega þátttöku í kostnaðinum (tímakaup x fjöldi tíma í verkefnið x (fjöldi iðkenda frá viðkomandi félagi sem skráðir eru í verkefnið / heildarfjöldi skráðra þátttakenda í hópnum)). Félögin munu ekki innheimta sérstaklega fyrir aðgengi að aðstöðu í sínu húsnæði vegna verkefnisins. FSÍ mun ekki innheimta sérstaklega fyrir aðkomu [] að þjálfun hópsins eða fyrir stjórnunarlega aðkomu að verkefninu. Ef félögin taka ákvörðun um að fjölga þjálfurum í verkefninu þá mun kostnaðarskipting vegna þess fara með sama hætti og að framan greinir.

5. Félögin munu tryggja að tilgreindur afrekshópur mun hafa aðgengi að áhöldum og tækjum í samræmi við almennan forgang hópa sem þessa á tilgreindum tíma í áhaldaskipulagi. Þá munu öll félögin og FSÍ sjá til þess að vinna málinu brautargengi innan sinna vébanda.

6. FSÍ er eigandi verkefnisins og heldur utan um verkefnið og sér til þess að verkefnið sé opið öllum félögum sem vilja koma að þessu verkefni síðar án þess þó að taka neina ábyrgð á fjárhagslegum skuldbindingum sem eru félaganna á milli enda skuldbindur viðkomandi nýja félag sig til þess að taka hlutfallslega þátt í kostnaði vegna verkefnisins. FSÍ boði til funda sem verkefnið varðar og ber ábyrgð á þeim samskiptum sem að verkefninu lúta. FSÍ er þó ekki heimilt að breyta efnislega samkomulagi þessu án skriflegs samþykkis allra þátttakenda samkomulagsins.

Málið rætt

Bókun:

Stjórn FSÍ fagnar þeim tímamótum í samstarfi aðildarfélaga sem þessi drög að samkomulagi endurspeglar. Drögin fela í sér þrjá megin þætti sem mikilvægt er að skoða til að stuðla að framförum í íslenskum fimleikum. Að samnýta að hluta aðstöðu félaganna, að samnýta að hluta þjálfara sem hafa þekkingu og færni til að þjálfa keppendur í fremstu röð og skipta að hluta kostnaði við þjálfun afreksefna og afreksmanna milli aðildarfélaga FSÍ.

Stjórn FSÍ telur framkomin drög að samkomulagi gríðarlega mikilvæga í þeim skipulagsbreytingum sem framundan eru varðandi landsliðsmál FSÍ. Stjórn FSÍ telur að með þessum drögum sé fjárhagslegur grundvöllur lagður að úrvalshópum karla í áhaldafimleikum. Þessi drög taka hins vegar ekki á faglegum þáttum verkefnisins úrvalshópar FSÍ.

Mikilvægt er að átta sig að að fjárhagslegur grundvöllur er stór hluti verkefnisins úrvalshópar FSÍ, en hinn er faglegur. Stjórn FSÍ hyggst með nýjum sviðstjóra landliðsmála og tækninefndum FSÍ skilgreina markmið með úrvalshópum FSÍ og út frá þeim skilgreiningum auglýsa stöðu landliðsþjálfara. Með úrvalshópum FSÍ verði stuðlað að framförum í íslenskum fimleikum á alþjóðavettvangi.

10. Móta- og keppnisreglur FSÍ

Móta- og keppnisreglur FSÍ lagar fram. Drög að móta- og keppnisreglum voru send á öll aðildarfélög og tækninefndir fimleikasambandsins til umsagnar. Nokkra athugasemdir voru gerðar við drögin sem nú hefur verið lagfært.

Móta- og keppnisreglur FSÍ eru samþykktar með fyrirvara um að aldurstenging í þrepum karla í áhaldfimleikum verði endurskoðuð. Framkvæmdarstjóra falið kynna móta og keppnisreglur FSÍ fyrir aðildarfélögum FSÍ og senda erindi á tækninefnd karla þar sem óskað er eftir rökstuðningi við aldurstengingu í þrepum.

Eftirfarandi erindi voru sett fram til kynningar

1. skýrsla vinnuhóps um hlutverk fararstjóra í ferðum á vegum FSÍ.

Lögð fram drög að ferða og starfsreglum FSÍ til kynningar. Starfshópur undir stjórn Gyðu Kristmannsdóttur skipaður fulltrúum úr fastanefndum FSÍ, þeim Höllu Kari Hjaltsted, Sigurði Hrafni Pétursyni, Olgu Bjarnadóttur og Hlíf Þorgeirsdóttur.

2. Svar TKV við beiðni THF varðandi aldurstakmörk keppenda

Tkv ræddi beiðin frá THF um að leyfa börnum sem eru 2004 á árinu að keppa á mótum fimleikasambandsins í haust. Við getum ekki fallist á þetta og teljum að þetta myndi skapa ágreining. Þetta er mál sem þarf að ræða á þinginu ef nefndir óska eftir breytingum um keppnisaldur.

Fundi slitið kl. 21:15.